

OLLIVIER N°647 B

cf 750

GUERZ AR GARNEL

Demp d'ar Garnel, Christenien, güelomp ar Religou
Eus hor breudeur, c'hoarezet, hou tadou ha mamou,
Demeus hon amezeyen, hor brassa mignonet,
Güelomp ar stat truezus e pini int rentet.

Güelet e reot aneze torret ha bruzonet,
Ha memes an darnvoia a zo e poultr rentet :
Ne veler mui o noblañç, o danvez, o guenet,
Ar maro hac an douar o deus o distrojet.

Ar paour hac ar pinvidic, ar mestr hac ar sujet,
Oll e zint rentet bénvel, oll dizenvelebet ;
Ne zeus mui nemet esqern, poultr ha breinadurez,
Dign eus a compassion hac eus a bep truez.

Hoguen er stat truezus e peini int rentet,
E parlantont e langach mud elocant meurbet
Ous peb-unan a c'hanomp, mar qeromp profita
Qeit ma blijo gant Doue hon lezel er bed-mâ.

Clévit eta anezo, ha grit attention,
En dezir da brofita eus a greis ho calon :
Lavarat a rin deoc'h e zin bet er bed-mâ,
Hac e varvot evlto pa sonjot nebeuta.

Ni zo bet var an douar o rën qer coulz hac'houi
O parlant hac o vele, oc'h eva, o tébri,
Hac cetu amâ bremâ ar stat ma zomp rentet,
Goude m'omp bet en douaro o vezur ar prénevêd.

M'oa un den créa ha galant, ha me un dijentil,
Ma voa un den pinvidic, ha me un den habil ;
Me meus collet va noblañç, ha me va oll danvez,
Me va nerz ha va guenet, ha me va güzieguez.

N'hon euscavet er bed-mâ nemet hon œuvrou mad
Da bresanti d'or Barner, d'hon Roue ha d'hon Tad ;
List eta madou'n douar, detesti ar viçou,
Hac ornit mad hoc'h ene a bep seurt vertuziou.

Mar goulennit diganemp pelec'h êt hon eneou,
Ni responto : d'ar purgator, rac honnes é hor brô ;
E mañt en tân o tévi vit peur-baea o die
Contractet var an douar da justiç un Doue.

Eus e ouelet ar flammou ne cessont o crial,
O c'houlén hor pedennou, ma ellint sortial
Eus ar prisoniou teval e pere int tolet ;
Hastit d'hor zicour, ha na zaleit qet.

Dêch-hu en em adresseomp, qerent a mignonet,
Da gaouet memor arc'hanomp pa zit dre ar vèret. *
Lavarit en eur dremen : Doue ra bardonno
D'an anaon er purgator, rac ennes é hor brô.

Un aluzen. ur beden grêt gant devotion :
Ur yun pe un oferen. pe ur gommunion,
A ell ca'z hor soulaji ha berrât hor poaniou,
Hac hon tenn en un istant a ouelet ar flammou.

C'houi. Bêleyen charitabl en eus or c'hunduet,
En hent hor zilvidiguez, pa edomp var ar bed,
Continuit c'hoas un nebeut da gaout trues ouzomp,
Oc'h ober. dre drugare, œuvrou mad evidomp.

Ispicial o pedomp pa deuit da celebri
An Oferen en ilis, elêvit neuze hor c'hri
Eus a ouelet ar flammou o c'houlén diganeoc'h
Ma teuot d'ober gant Doue dre'r Sacrifiç hor peoc'h.

Ha p'or bezo peur-baet ar boan die et d'or pec'het,
Ni hor hezo dêc'h neuze digant Doue reqet.
Pedit, ni a rañ ive ; en em sicouromp oll,
Ennes vezo ar voyen ne deuyo den da goll.

Evel an dour o vouga an tân-goall alumet,
An tân eus ar purgator a vez ive mooguet
Dre ar Sacrifiç santel offret var an Auter,
Da c'houlén hon delivranç ouz Doue hor Zalver.

Pa zorti an eol squeudus a zindan ar goabren,
Ar bed oll en un istant a receo sclêrijen :
Ni a zortio ive sclêr evel ar stered
Eus ar poaniou a zouffromp dre'r Sacrifiç offret.

Adieu tadou ha mamou, bredeur ha c'hoarezet ;
Adieu, qerent, mignognet ; adieu dec'h, tud ar bed ;
Ni a ra bremâ dêc'h hor c'himiad diveza ;
Adieu dêc'h : quen a vo en traouyen Josapha.

Roit ar repos eternal, va Jesus, va Autrou,
D'an oll eneou fidel pere zo er flammou,
Ebars en ho Parados, da veuli da james
Assambles gant an oll Zent ha gant an oll Æles.

Picu ac'hanomp, va Doue ! n'en devez divoeret
Un tad, ur vam, urbuguel, qerent all, mignonet ?
Bizitom-ta o beziou ha pedomp a galon :
Un douçder an tenerra eo d'ar c'hristen güirion.

Daoulinet var o beziou, e credomp fermamant
En ur bedi evito, int d'hor speret present.
Lavaromp-ta evito, gant hor mam an Ilis,
Ur *Miserere mei* hac un *Deprofundis*.

DOUE DA BARDONO D'AN ANAON !